

Sujet:

Sammle Si au Zircher Helge?

oder

Nur das The(l)uer'ste ist gut genug

Was koschtet
dä Zaubere? e Pryslichte

Nummere eins: en EXPOnierti Plaschtigg

Rytte, rytte Tinguely
gläpper, tschätter Stinguely
In ganz Ziri het's bigoscht
kal Plätzli fir dä Huffe Roscht

Koschtepunggt: ...'s tSchTUDERet aim ganz

Nummere zwel: e Genre-Helgeli in blau und wyss

Rytte, rytte Leell
Z'Basel stoht e Hehli
Z'Ziri stoht e Helmhuus
Luege Basler Mäsggli druus

Prys: e suuri Theler Bire

Nummere drey: en an-diggi Land(olt)schaft

Rytte, rytte Lappi
Ziri het e Stapl
me hätt's nit dänggt – bald goht er furt
jetz wird ain gsuecht wo no meh schnurt.

Wird versteigeret – e Bieri-dee

Nummere vier: en ächte Geisse-Böckli imene tyre Goldrahme

Rytte, rytt Kameeler
Mir hänn derfir e Theler
Dä hietet keini Geisse meh
Hitt isch är ehnder distingué.

Koschtepunggt: sau tyr, numme gege Barzahlig,
ai Versicherig isch obligatorisch

Nummere fimf: e verhüllte Doppelakt mit Huet in barocke
Forme

Rytte, rytte Kaibellin
Was isch ächt e Waibellin
's schwach Gschlächt git im Emil Schutz
und kriegt fir jede Schutz e Schmutz.

e Depositem vom Stapi – Y-wonnig! Bitte nicht berühren.

Nummere sex: e gschmirte Helge

Rytte, rytte Staibogg
Blamage mit und ohni Rogg
In jeder Lag git's no ai Chance –
Honni soit qui mal y pense ...

me zahlt jede Prys
me zahlt jede
me zahlt
me

Nummere sibbe: e Monumäntalwärk in der Greessi von ere
Zircher Schnure

Rytte, rytte Felge
d'Zircher moole Helge
Gross sin si meischtens – aber sunscht
Froggt me sich: – Isch das e Kunscht?

Koschtepunggt: e Fass ohni Bode

Nummere acht: e ganzi Sammlig Alberto Giacospaghetti

Rytte, rytte Ziri Lai
Macht der Giacometti glai
Merggsch vo Kunschtsinn Jo kal Spur
So dämpft der Zircher d'Konjunktur.

Koschtepunggt: en Ehredoggtter + 1 «homme sur tige»

Nummere nyn: e hohle Gips

ask Manny

gratis

Nummere zäh: Ladärne maschigge (uus der Zyt)

Rytte, rytte Bebbi
kurz nonem Monschter Tscheppi
Bsuech'sch d'Muschtermäss nit umesunscht
Do stoht die ainzig wohri Kunscht!

Koschtepunggt: Fir d'Ladärne nyt.
Bschaue kasch si am Zyschtig vo de morgene-
am nyni bis z'Nacht am elfi.